

LÖG

um breytingu á ýmsum lagaákvæðum um markaðar tekjur.

FORSETI ÍSLANDS

gjörir kunnugt: Alþingi hefur fallist á lög þessi og ég staðfest þau með samþykki mínu:

I. KAFLI

Breyting á lögum um Íslandsstofu, nr. 38/2010, með síðari breytingum.

1. gr.

Eftirfarandi breytingar verða á 5. gr. laganna:

- a. 1. tölul. fellur brott.
- b. 2. tölul. orðast svo: Fjárveiting sem ákvörðuð er af ráðherra á grundvelli fjárheimildar í fjárlögum.
- c. Í stað orðanna „tekjum af markaðsgjaldi“ í 5. tölul. kemur: fjárveitingu skv. 2. tölul.
- d. Við bætast tvær nýjar málsgreinar, svohljóðandi:

Markaðsgjald, 0,05%, skal lagt á gjaldstofn til greiðslu tryggingagjalds eins og hann er skilgreindur í III. kafla laga nr. 113/1990, um tryggingagjald. Um álagningu og innheimtu markaðsgjalds fer eftir ákvæðum þeirra laga. Markaðsgjald má draga frá tekjum þess rekstrarárs þegar stofn þess myndaðist.

Tekjur Íslandsstofu skv. 2. tölul. 1. mgr. skulu aldrei vera lægri en sem nemur markaðsgjaldi skv. 2. mgr.

II. KAFLI

Breyting á lögum um Fiskræktarsjóð, nr. 72/2008, með síðari breytingum.

2. gr.

Eftirfarandi breytingar verða á 4. gr. laganna:

- a. A-liður orðast svo: fjárveiting á grundvelli fjárheimildar í fjárlögum.
- b. C-liður fellur brott.

3. gr.

Eftirfarandi breytingar verða á 5. gr. laganna:

- a. 1. mgr. orðast svo:
Veiðiréttarhafar skulu greiða 2% gjald af hreinum tekjum af veiði í ám og vötnum á hverju almanaksári og rennur gjaldið í ríkissjóð.
- b. Í stað orðsins „Fiskræktarsjóði“ í 2. mgr. kemur: ríkissjóði.

